



U cilju informisanja javnosti i drugih zainteresovanih strana, Centralna banka Bosne i Hercegovine objavljuje

### **OBAVIJEST**

o namjeri kupovine zemljišta za izgradnju poslovnog prostora za potrebe Centralne banke Bosne i Hercegovine – Glavne jedinice Sarajevo

Centralna banka Bosne i Hercegovine je, u skladu sa Strateškim planom za period 2016.-2021. godina, definisala cilj da, u svrhu efikasnog i sigurnog poslovanja i administracije, obezbijedi adekvatne poslovne prostore za sve svoje organizacione dijelove i jedinice.

U skladu s navedenim, Upravno vijeće Centralne banke Bosne i Hercegovine je 2018. godine donijelo Odluku o pokretanju postupka kupovine zemljišta za izgradnju poslovnog prostora za potrebe Glavne jedinice Sarajevo, broj: UV-150-01-1-59/19 ŽB od 26. jula 2018. godine.

Finansijska sredstva za ovu namjenu planirana su Finansijskim planovima Centralne banke Bosne i Hercegovine za 2018. i 2019. godinu.

Također, u Planovima nabavki za 2018. i 2019. godinu planirana je kupovina zemljišta za potrebe Glavne jedinice Sarajevo, a koja je izuzeta od primjene Zakona o javnim nabavkama Bosne i Hercegovine.

U cilju transparentnosti, Centralna banka Bosne i Hercegovine je, uz Plan nabavki za 2019. godinu, objavila na svojoj web stranici [www.cbbh.ba](http://www.cbbh.ba) i tabelu planiranih nabavki koje su izuzete od primjene Zakona o javnim nabavkama BiH, u skladu s članom 10. ovog zakona. U tabeli izuzeća navedena je i planirana kupovina zemljišta za potrebe Glavne jedinice Sarajevo Centralne banke Bosne i Hercegovine.

Informacije o realizaciji ove planske aktivnosti biće transparentno dostupne na web stranici Centralne banke Bosne i Hercegovine.

Centralna banka Bosne i Hercegovine